



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exercitivm Perfectionis, Et Virtvtvm Christianarvm

In tres Partes distinctum

Rodríguez, Alonso

Coloniæ Agrippinæ, 1622

Cap. I. Nostris in operibus vana gloria inprimis fugienda.

urn:nbn:de:hbz:466:1-40072

cellebant: & h̄c ipsimet non in humeris, aut suis manibus gestabant, sed ducem quisque habebat Angelum, à quo & conducebatur. & crux gestabatur, ipsi vero eum læti & hilares sequebantur. Visionem hanc miratus Religiosus, eam perit à socio, qui hanc sibi spectandam obrulerat, sibi declarari. Is ergo quamprimum eam declarans, primos, quos vi-

derat crucis in humeris gestantes, ait esse illos, qui in ætate proœcta Religionem erant ingressi: secundos vero qui eas manu gestabant, eos, qui in iuuentute eam imiere; postremos demum, qui tam læte agiliterque incedebant, eos, qui in ætate puerili vitam Religiosam auspicati mundo valedixerant.

TRACTATVS TERTIVS
DE RECTITVDINE ET PVRL-
tate intentionis, quam nostris in operibus ha-
bere debemus.

C A P V T I.

Nostris in operibus vana gloria in primis
fugienda.

NIHI in Constitutionibus & regulis nostris magis nobis commendatur, repetitur & inculcatur, quam ut rectam in omnibus nostris operibus intentionem habere satagamus. Hanc enim ob causam singulis prope paginis aut regulis verba illa. *Ad maiorem Dei gloriam, vel hæc. Mains Dei obsequium semper intuendo quod idem est*) repetuntur. Adeo scilicet B. P. N. hocce maioris gloriæ & honoris diuini desiderium, cordi suo profunde infixum habebat, & tam omnia sua ad hunc finem opera agere assuetus erat; hinc tam sepe hoc ore scriptisque repetit, atque identidem iteravit, *Ex abundantia enim cordis os loquitur.* Hoc quippe semper eius veluti symbolum fuit, hoc omnium eius operum anima quodammodo ac vita, quemadmodum in vita illius historia refertur. Vnde etiam merito eius imagini subscripta &

addita hæc inscriptio, *Ad maiorem Dei gloriam.* Hæc eius insignia sunt, hæc eius epigraphe, hoc eius symbolum, in hoc denique vniuersa illius vita & omnia gesta velut compendiose continentur, adeo ut maioribus offici laudibus & praœconiis in tam paucis verbis non possint. Hæc porro etiam nostra insignia, inscriptio & symbolum esse debent, ut velut legitimi bonique filii Patri nostro per omnia assimilemur.

Non sine ratione autem tantopere id ipse nobis commendat: quia omnis noster profectus & perfectio in operibus quæ agere debemus, sita est: quo enim hæc futura sunt meliora & perfectiora, eo & nos meliores & perfectiores futuri. Tanto vero plus opera nostra habitura sunt bonitatis ac perfectionis, quanto nostra intentio rectior & purior, eorumque finis sublimior erit & perfectior. Hæc quippe est quæ suum operibus dat esse,

K 3 iuxta-

Mat. 6. 12. iuxta illud Christi in Euangelio, *Luxer-
na corporis tui est oculus tuus: si oculus
tuus simplex fuerit, totum corpus tuum lu-
cidum erit; si autem oculus tuus fuerit
nequam, totum corpus tuum tenebrosum
erit.* Per oculum porro hoc loco sancti
intentionem vulgo intelligent; utpote
qua ante intendendo intuetur & præ-
uenit id quod agere vult: per corpus
vero ipsum designari volunt opus, quod
statim post directam intentionem sequi-
tur, quemadmodum viuerum corpus
ductores sequitur oculos. Dicit itaque
Christus Dominus, omnem ab inten-
tione quam habemus operibus lucem &
splendorem accedere, &, si finis & in-
tentio operis fuerit bona, bonum etiam
fore opus, sin mala. etiam opus fore ma-
lum; si denique finis altus & perfectus,
tale & opus futurum. Illud etiam in-
dicare voluit Apostolus Paulus, dum ait,
*Sicut radix sancta, & rami, id est, qualis fu-
tura radix, talis erit arbor, eiusque fru-
etus.* Ex arbore enim radicem habente
malam quis alias sperari fructus potest,
quam verminosus & insipidus? at si ra-
dix eius sana sit & bona, bona quoque
erit arbor, & fructum dabit bonum. Sic
& operum bonitas & perfectio in ipsa
intentionis, qua est velut radix, puritate
consistit. Hec itaque quo sinceriora
erunt ac puriora, eo futura sunt meliora
& perfectiora. S. Gregorius in illa ver-
ba Iob: *Super quo bases illius solidatae sunt,*
scribit, quemadmodum totius ædificii
materialis fabrica quibusdam inniti sol-
ler columnis, ha vero suis basibus & ful-
cris; sic omnem vitam spiritualem vir-
tutibus inniti, virtutes vero ipsas in
pura rectaque cordis intentione fundari.
Ut autem in hoc ordinamus & recte
procedamus, primo de malo fine, quem
in operibus nostris euitare debemus, ne
ea videlicet ob vanam gloriam aut alios
respectus humanos agamus, tractabim-
us; deinde de bono rectoque fine &
intentione, qua ea agenda sunt, loquem-
ur. Primo namque à malo declinare
nos oportet, ac dein quod bonum est
agere, iuxta illa Prophetae verba, *Diversæ Psal. p. 1.
amalo, & fac bonum.* Omnes vero san-
cti nos commonent, vt à vana gloria
quam maxime nobis caueamus; quia,
inquit, ipsa subdolus & subtilis qui-
dam est fur, qua incautos nos inuidere,
& bona opera nostra deprædati solet:
quæque tam clanculo & simulate in ani-
mam irrepit, vt saepe ante quam sentia-
tur & percipiatur, iam nos deprædata
sit ac expoliari. S. Gregorius eam *Cap. vi.*
esse dicit ceufurem fictum & dissimulan-*Moral. b.
tem, qui quidem viatori se per viam af-
ficians, eadem cum ipso via pergere se-
mentitur, postea tamen dum ille magis
securus est, ac minus cogitat rem suam
& vitam eripit. Evidem fateor, inquit
sanctus ille Pontifex ultimo Moralium
suorum capite, mihi, dum meam in ho-
rum librorum scriptione, quam initio
habui, intentionem examinare incipio,
vni Deo placendi causa labore hunc
omnem à me suscepsum videri; quadam
tamen in eius progressu hominibus
placandi desiderium, necnon vanam
quandam in hoc delectationem & com-
placentiam adeo inaduententur & clan-
culo, vt nesciam quo modo & via sub-
irrepsisse & subintrasse comporio, hoc
tamen videam, postquam iam proœctus
in eos sum longius, quod opus hoc à pul-
uere & palea vanitatis iam tam purum
non sit, quam cum primum illud sum ag-
gressus: noui quippe me bona illud in-
tentio, & Deo pure placandi deside-
rio initio scribere incepisse, iam vero ad-
uerto non tam id purum & defæcatum
essatque dum auspicarer. Illud siqui-
dem hic nobis visu venit, quod come-
dientibus. Comedere quippe incipi-
mus ex natura necessitate & fame; tam
vero subtiliter gula & delectatio deinde
subingreditur, vt, quod ex necessitate
ad naturam sustentandam, vitæque con-
seruationem cœpimus, id postea ex de-
lectatione, voluptate, ac gustu perficia-
mus & absoluamus. Ita in hoc Reli-
gio*

*Gregor. lib.
38. Moral.
c. 3.*

*Iob. 38. 6.
Lib. 18. Mo-
ral. c. 23.*

gloso statu s̄epe ipsum prædicandi officium, aut aliud quid simile cum intentione quidem animarum iuuandarum aufpicamur; postea tamen ipsa subingreditur vanitas, & hominibus per id placere & gratificari, aut ab ipsis aestimari, magni fieri, ac celebrati quærimus: quæ illicia & præmiola vbi defuerint, tandem in eo aut segnescere, aut saltē non libenter, sed inuite illud agere videatur.

C A P V T II.

In quo malitia vitii huius vanæ gloriae consistat.

Vitii huius malitia in eo proprie consistit, quod homo vanæ glorioſas se pergloriam & honorē euhere gestit, qui soli Deo proprius est. *Soli Deo honor & gloria*: quemque alteri ipse dare non vult, sed sibi soli referuare, *Gloriam meam alteri non dabo*. Vnde sic Deum alloquitur Augustinus: *Quienque laudari cupit per id quod tuum donum est, & in eo quod agit bonum, non tuam, sed suam gloriā querit hic fur est & latro, & damoni similis, qui tuam furari gloriā volunt*. In omnibus Dei operibus duo notandum Dei, primo fructus & utilitas, deinde honor & gloria ex his operibus resultans. vt scilicet ipse operis auctor & artifex propter ipsum laudetur, & aestimetur & honoretur. In hac igitur vita Deus statuit ac vult, vt omnis operum suorum fructus cedat homini, at omnis gloria vni sibi. *Vniuersa propter semetipsum operatus est Dominus, Et creauit Dominius omnes gentes in laudem, & nomen & gloriā suam: hic etiam omnia creatalia eius nobis sapientiam, bonitatem & prouidentiam assidue deprædicant & enarrant. Atque ideo etiam cœli & terra dicuntur plena esse gloria eius. Vnde dum quis in operibus bonis gloriam & honorem hominum quærit,*

eum, quem Deus in operibus bonis ordinem posuit, peruerterit, Deoque iniuriam irrogat, dum scilicet cupid & fatigat, vt homines, qui in Deo honorando & laudando semper occupari se deberent, in se uno laudando & aestimando occupentur; dum etiam vult & procurat, vt hominum corda, quæ Deus creauit ut refissent vasa, quæ Dei eiusdem gloriam & honorem præ plenitudine eructarent, suo vnius honore & aestimatione repletantur. Hoc item est corda humana Deo furari, ac propria quodammodo domo & habitaculo ea expellere. Ecquæ igitur maior dari iniqutis potest, quam & honorem Dei, & hominum corda furari? & ore quidem dicere, vt Deum unum respiciant, animo vero & corde velle, vt fuos a Deo oculos auertendo, eos in nos coniijcant? Verus humilis in nullius rei creatæ corde vivere cupit, sed in solo Deo, nec ut sui quisquam meminerit, at Dei solius; nec ut ipse hominum sermofit, sed unus Deus in omnium ore deferatur, suo denique omnes hunc solum corde excipiāt & perpetuo retineant.

Vitii huius grauitatem & malitiam hæc etiam similitudo & comparatio liquido demonstrabit, si qua mulier conjugata sese comeret & ornaret, quo alii cuidam, præterquam marito suo, complaceret; nemō non videt, quantum hoc modo coniugi suo iniuriam irrogaret: Sic qui opera bona, quæ quædam velut sunt ornamenta, quibus animam nostram adornamus & insignimus, facit ut alii præterquam Deo, qui eiusdem sponsus & maritus est, placeat, insignem illi iniuriam faciet. Adhæc cogita, quam turpe foret & probrolum, si quis nobilis se ideo magni ficeret, quod exiguum quendam leuemque in Regis illius gratiam laborem subijsset, qui ante nobilis huius causa magnam cum infamiam, tum laborem variis in casibus subijsset: quam vero etiam infame futurum, si nobilis